

中國方志叢書·華中地方·第九五六號

據

清·朱松等修，周立愛等纂
清乾隆十六年刊本

影印

江 西 省

瀘溪縣志

(二)

成文出版社有限公司印行

中華民國七十八年三月臺一版

瀘溪縣志

共二冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

急操奸向商人兌領銀項傾瀉低色七八呈不等甚有對呈不成銀者十兩摻入四分之一紙戶積困莫舒通商利民惟鄉曲之有才具者善爲調停則得矣

附山說

山澤川原園林皆能致物產以利人然必以生長之又有以護持之然後蔓延繁殖而

大利起焉苟啄踐天闕戕賊斬伐雖腴壤嘉種且不能有成况陵谷磽瘠乎瀘地週截五十里可耕者不過十分之一餘則彌望皆山他邑之山亦可芟蒔苧藍芋薑蔬漆之屬瀘山率畧裂不宜種植惟產松杉苗竹及栲櫨雜木昔時多巨株叢林然寇累業廢不能邀價值人亦不甚惜斧斤之後繼以焚燎輾轉相仍而山之有生殖者又不過十分之一矣國家建立郡縣官司牧守地坊必視其土之所宜以爲之制瀘地舍山而別求所爲事蓄者譬如求珠者不於川求玉者不於璞而豈能有得哉顧瀘俗日趨於壞村落之中三五成羣其偷竊竹樹相習爲固然卽見獲本主披猖不以爲意尤慘者於春中筍生時挖掘市賣

絕其生理而近界金谿不時擾害此瀘山之不理而瀘生之日敝也夫竹樹生於山爲宮室器具之所必資下而樵蕪薪楚亦足以供爨火陶冶之用每見窮民朝無炊米荷鋤而出暮即得食論者或以瀘山不列於賦稅而二視之則試執婦女而語之曰爾未繫丁口之數任人有之也馬牛羊豕布帛等物曰未有輸將任人取之也夜入人家而焚其室檢其衣被服物曰此非課物不必速爲理也而可乎往金谿縣知縣董天序有訴竊竹者咥然曰郊外物耳一言出而縣之有山者俱罹其害滋及瀘界一帶數千金之值濯濯成荒壤此亦關官場之福報也乾隆七年奉

上諭

山澤樹蓄一切侵盜轉飭地方官禁飭申理誠勤覽天下之圖籍灼見民生所在而厘其與聚勿施之深心也使循此而不論高下遠近已荒未荒之山俱本主封植他人不得混擾其屬於官者以贍無山家之樵採并不得擅行舉火肆虐延燒條列款目鄉里奉行飭遵違者上聞隨其輕重責以罰贖甚者予之杖則瀘山以興而富庶之效可臻矣

瀘溪縣志卷之五

典禮志

廟社山川五祀義之修而禮之藏也時從其變藝協於分多少高下化民成俗事可以已乎

國朝加意三禮聘召名儒蒐輯遺編大一世之範圍導其雍容揖遜親於斯而知王道之易易也記曰禮始諸飲食又曰甘受和白受采瀘俗任質多情慤可以進於禮矣志典禮

朝賀儀

凡時宜

聖壽縣官率僚屬穿蟒袍七日

太皇太后

皇太后聖誕

皇上萬壽

皇后

皇太子千秋至期黎明穿朝服率合屬官陰醫僧道

官等詣

上諭亭設儀駕香案鼓初嚴各官具服鼓次嚴三嚴

通唱

排班班齊

唱

衆官垂手

引唱

跪一叩首二叩首三叩

首與班首官詣

御座前告添

聖壽

唱

跪衆官皆跪祝壽江西等處承宣布政使司建昌

府瀘溪縣知縣

臣

某教諭

臣

某縣丞

臣

某訓導

臣

某

典史

臣

某防汛

臣

某等荷

國厚恩叨享祿位皆賴

天生我

君保民致治今茲

聖誕

聖壽益增臣等曷勝踴躍懽忭之至俯伏興就班唱跪西

叩首五叩首六叩首興唱跪七叩首八叩首九叩首

興唱嵩呼唱再嵩呼唱興平身散班

元旦自十二月二十七日起至正月初四日止穿蟒

袍七日儀同前

長至日儀同前只朝賀時穿朝服

開讀

詔赦儀

使者至城外暫止縣具龍亭綵輿儀駕鼓吹出南門至所止處使者將

詔書置龍亭中掌印官率合屬官陰醫僧道官等穿朝服

候於南關口將近龍亭

唱

跪龍亭過

唱

俯伏興由東門

進鼓吹前導使者隨亭後至

上諭亭衆官先入龍亭至

唱

跪俯伏興龍亭進置

上諭亭中南向

唱

排班班齊樂作行九叩首禮興使者捧

詔書授開讀人開讀人受詣開讀案唱跪衆官皆跪宣讀
訖開讀人捧

詔復置龍亭中行九叩首禮唱嵩呼再唱興平身散班

迎接

詔赦官班儀駕行次圖

橫 鉞 瓜 劍

瓜 斧 鼙 令旗鼓樂官耆儒
甲士鼓角金鼓旗

圓 天丁 天丁 天丁 天丁

傘
龍亭 香案

干 天丁 天丁 天丁 天丁

由 橫 鉞 瓜 令旗鼓樂官耆儒
甲士鼓角金鼓旗

瓜 斧 槌 劍

開讀

詔赦文武官拜位圖式

橫鉞 爪 劍 令 鼓

官生員

爪 斧 櫜 旗 樂

甲士 鼓角 金鼓旗

傘

龍亭

香案

甲士 鼓角 金鼓旗

橫鉞 爪 令 鼓

官吏典

爪 斧 櫜 劍 旗 樂

迎春儀

每歲預塑春牛芒神立春前一日各官公服輿迎至縣門外土牛南向芒神在東西向至日如時設香案酒果官穿朝服贊引就位行三叩首禮興唱班首官詣勾芒神前跪奠帛初奠爵唱讀祝文唱衆官皆跪讀畢唱二奠爵三奠爵俯伏興復位行三叩首禮各官執綵杖排立於土牛兩傍贊者曰長官擊鼓三通唱鞭春各官環擊土牛三匝唱禮畢

祭文

維乾隆 年歲次 月 越 日江西等處承

宣布政使司建昌府瀘溪縣某官_某等致祭於 勾

芒神曰條風初至木德誕敷南土雪花飛催出三陽

之泰東郊鶯鳥度喚開二氣之和土膏之動在茲民

命所關惟是肅陳明薦盎春芳於潔齊仰冀

神庥錫兆姓以康阜尙

饗

儀式

塑春牛芒神一座 香燭酒果 綵仗 中花

小花春酒

上官儀

凡新官受職赴任諭帖到吏房先出境祇迎稟發紅
告示定期到任至期止於廣仁寺更衣從東門進至
大門內下轎告祭儀門唱跪行四拜禮奠帛初獻爵
讀祝二獻爵三獻爵復位又行四拜禮焚祝化帛隨
祭土地祠行二拜禮乘轎開儀門至堂堦拜印行三
跪九叩首禮畢北向行三跪九叩首禮謝

恩上堂吏房跪稟陞公座稟起鼓各役排衙六房簽押

禮生諭僚屬各役叅叩退堂安香火祭司命神并三
聖祠次日恭謁

文武廟行三跪九叩首禮更衣穿蟒袍補服城隍廟張
王廟行香

祭儀門祭文

維 年 月 日 江西等處承宣布政使司

建昌府瀘溪縣新任知縣 致祭於

儀門之神曰維

神職司闔闢德應陰陽阜門有伉應門將將動靜廸

吉出入正祥今茲蒞任常祭是將尙饗

日月食救護儀

凡遇日月食縣官穿補服率合属陰醫僧道人等於縣廳前露臺行救護禮先結綵於縣堂及儀門設香案於露臺向日月設金鼓手於儀門內兩傍設各官拜位於露臺上下至時陰陽生報日月初虧唱就位唱鞠躬樂作四拜興平身樂止報食甚禮如初又報復禮如初

圓禮如初